

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 5. stav 4. i člana 9. Zakona o koncesijama ("Službene novine Federacije BiH", broj: 40/02 i 61/06), člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06) i člana 21. tačka 26. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na 18. sjednici održanoj 08. februara 2018. godine, donosi

Z a k l j u č a k
o davanju prethodne saglasnosti na mogućnost dodjele koncesije za istraživanje i eksploataciju mineralne sirovine na području Grada Zenica

I

Daje se prethodna saglasnost na mogućnost dodjele koncesije za istraživanje i eksploataciju mineralne sirovine na području Grada Zenica, shodno zahtjevu Ministarstva za privredu/gospodarstvo Zeničko-dobojskog kantona znak: 04-18-8463-2/17 od 13.11.2017. godine.

Saglasnost iz prethodnog stava odnosi se na eksploataciona polja jamskih proizvodnih kapaciteta ZD RMU "Zenica" d.o.o. potvrđena rješenjima nadležnog ministarstva kako slijedi.

- Eksploataciono polje "Stara jama - Siđe" sa graničnim koordinatama odobreno rješenjem FMERI broj:06-18-114/12 od 30.04.2012.godine,
- Eksploataciono polje "Stranjani" sa graničnim kooordinatama odobreno Rješenjem FMERI broj:06-18-219/12 od 23.05.2012.godine,
- Eksploataciono polje "Raspotočje" sa graničnim koordinatama odobreno Rješenjem FMERI broj:06-18-272/12 od 30.10.2012.godine.

II

Konstatuje se da su na osnovu uvida u Studiju o ekonomskoj opravdanosti dodjele koncesije na eksploataciju mrkog uglja JP Elektroprivreda BiH d.d. Sarajevo, ZD RMU "Zenica" d.o.o. na period od pet godina ispunjeni uslovi za davanje prethodne saglasnosti u slijedećim aspektima:

- prema Prostornom planu Grada Zenica za period 2016-2036 godina, područja na kojima se nalaze eksploataciona polja ZD RMU "Zeica" d.o.o. Zenica, nalaze se u granicama zone zabranjene gradnje objekata,
- u granicama eksploatacionih polja utvrđuju se pojedinačne i površine eksploatacionih polja i to :

- "Stara jama " - Siđe	1.743,02 ha,
- "Stranjani"	770,92 ha,
- "Raspotočje-Drivuša"	2.232,04 ha,

- u prijedlogu mjera zaštite okoliša, predložene mjere date su uopšteno pa je u daljem postupku potrebno konkretizirati način realizacije određenih mjera zaštite okoliša.

U dokumentu o dodjeli koncesije moraju biti definisani uslovi iz Akcionog plana koji su potpisani i prihvaćeni i od strane ZD RMU "Zenica" d.o.o. čime su preuzeli obavezu izgradnje postrojenja za tretman industrijskih otpadnih voda u tačno određenim rokovima, a u okviru projekta "Prikupljanje i tretman otpadnih voda u Zenici", koji će biti finansiran sredstvima KFW-a i SECO. Osim toga mora se precizno definisati obaveza održavanja i sanacije deponija jalovine.

Zaštitu izvorišta treba definisati u zakonskim okvirima sa posebnim naglaskom na adekvatno obeštećenje korisnika izvorišta od strane ZD RMU "Zenica" d.o.o. ako dođe do njegovog nestanka usljed izvođenja radova na iskopu uglja.

III

Sastavni dio ovog zaključka je slijedeća dokumentacija:

1. Zahtjev Ministarstva za privredu/gospodarstvo Zeničko-dobojskog kantona br.04-18-8463-2/17 od 13.11.2017. godine;
2. Studija o ekonomskoj opravdanosti dodjele koncesije na eksploataciju mrkog uglja JP Elektroprivreda BiH d.d. Sarajevo, ZD RMU "Zenica" d.o.o. Zenica na period od pet godina, novembar 2017. godine;
3. Akt Službe za urbanizam, imovinsko –pravne geodetske poslove i katastar nekretnina broj: 3/49-19455/17 od 16.01.2018.godine;
4. Akt Službe za ekologiju, komunalne i inspeksijske poslove broj: 07-23-19455/18 od 26.01.2018.godine.

IV

Ovaj zaključak stupa na snagu danom donošenja.

Broj: 01-07-3801 /18
Zenica, 08. februara 2018. godine



DOSTAVLJENO.

- 1x Gradonačelnik,
- 1x Ministarstvo za privredu/gospodarstvo Zeničko-dobojskog kantona,
- 1x Služba za urbanizam, imovinsko-pravne, geodetske poslove i katastar nekretnina,
- 1x Služba za ekologiju, komunalne i inspeksijske poslove,
- 1x Stručna služba Gradskog vijeća,
- 1x a/a.